

Broj: 01-06-06/3-11-3-122/22
Sarajevo, 18.10.2022.

Na osnovu člana 22. stav (3) Zakona o unutrašnjim poslovima Federacije Bosne i Hercegovine ("Službene novine FBiH", broj: 81/14) i u skladu sa članom 69. stav (2). tačka d), Zakona o javnim nabavkama („Službeni glasnik BiH“, broj: 39/14) i Zakona o izmjenama i dopunama Zakona o javnim nabavkama („Službeni glasnik BiH“, broj: 59/22) na preporuku Komisije za nabavku radova po LOT-ovima u toku 2023. godine, federalni ministar unutrašnjih poslova, **donosi**

O D L U K U

o poništenju postupka dijela javne nabavke radova po LOT-ovima u toku 2023. godine LOT 1 - građevinsko - zanatski i instalaterski radovi

I

Na osnovu odredbi člana 70. stav(1) i (6) Zakona o javnim nabavkama BiH („Službeni glasnik BiH“, broj:39/14) i Zakona o izmjenama i dopunama Zakona o javnim nabavkama („Službeni glasnik BiH“, broj 59/22), a na osnovu Odluke o pokretanju postupka javne nabavke radova u toku 2023. godine putem otvorenog postupka, broj: 01-06-06/3-11-3-122/22 od 16.9.2022. godine i Obavještenju o nabavci, broj: 405-1-3-84-3-35/22 od 16.9.2022. godine, objavljenog u („Službenom glasniku BiH“, broj 64/22) od 23.9.2022. godine poništava se postupak javne nabavke radova za - LOT 1, građevinsko - zanatski i instalaterski radovi u toku 2023. godine, dijela javne nabavke radova po LOT-ovima u toku 2023. godine za potrebe Federalnog ministarstva unutrašnjih poslova/Federalnog ministarstva unutarnjih poslova iz razloga što blagovremeno nije dostavljena nijedna ponuda za Ugovorni organ.

II

Za izvršenje ove Odluke zadužuje se i ovlašćuje Sektor za materijalno - finansijske poslove a u skladu sa Zakonom o javnim nabavkama BiH („Službeni glasnik BiH, br. 39/14) i Zakona o izmjenama i dopunama Zakona o javnim nabavkama („Službeni glasnik BiH“, broj 59/22).

III

Ova Odluka objavit će se na web stranici Federalnog ministarstva unutrašnjih poslova u skladu sa članom 70. stav (6) Zakona o javnim nabavkama.

IV

Ova Odluka stupa na snagu danom donošenja.

Obrazloženje

Odlukom ministra Federalnog ministarstva unutrašnjih poslova broj: 01-06-06/3-11-3-122/22 od 16.9.2022. godine i broja Javne nabavke: 01-06-06/3-11-3-48/41 pokrenut je postupak javne nabavke radova po lotovima u toku 2023. godine putem otvorenog postupka i zaključivanja okvirnog sporazuma, za potrebe Federalnog ministarstva unutrašnjih poslova/Federalnog ministarstva unutarnjih poslova u toku 2023. godine, (u daljnjem tekstu: ministarstva), procijenjene vrijednosti 200.000,00 KM, bez PDV-a. Novčana sredstva za realizaciju navedene nabavke predviđena su u okviru budžetskih sredstava za 2023. godinu.



Predmet javne nabavke ministarstva podijeljen je na LOT-ove:

LOT 1- Građevinsko- zanatski i instalaterski radovi, procijenjene vrijednosti 115.000,00KM, bez PDV-a
LOT 2 - Molersko - farbarski radovi, procijenjene vrijednosti 32.000,00 KM, bez PDV-a,
LOT 3 - Radovi na preventivnom i inerventnom servisiranju kotlovnica, procijenjene vrijednosti 53.000,00 KM, bez PDV-a.

Tačkom 24. Tenderske dokumentacije navedeno da je krajnji rok za dostavljanje ponuda 6.10.2022. godine do 12⁰⁰ sati, te da se ponude dostavljaju u zatvorenoj koverti. Komisija je dana 6.10.2022. godine u 12³⁰ izvršila javno otvaranje ponuda, prema datumu i vremenu prijema.

Komisija je konstatovala da za LOT 1- Građevinsko- zanatski i instalaterski radovi blagovremeno nije dostavljena nijedna ponuda u zakonskom predviđenom roku za prijem ponuda.

U postupku predmetne nabavke nesumnjivo je utvrđeno da blagovremeno nije dostavljena nijedna ponuda, čime su se stekli i zakonski uslovi za poništenje dijela postupka javne nabavke radova po LOT-ovima u toku 2023 godine putem otvorenog postupka i to za LOT 1, te je odlučeno kao u dispozitivu ove Odluke.

Pouka o pravnom lijeku: Protiv ove Odluke dopuštena je žalba koja se može izjaviti Uredu za razmatranje žalbi BiH , u pisanoj formi u roku od 10 (deset) dana od dana prijema iste. Žalba se podnosi putem Ugovornog organa u 3 (tri) primjerka).



Dostaviti:

1. Sektoru za materijalno – finansijske poslove,
2. Kabinet ministra, Odsjek za odnose sa javnošću
(za potrebe objave na internetskoj stranici FMUP-a – Ugovornog organa)
3. U spis